

# Ze barri?

ESKORIATZA / Egubakoitza / 2005eko maiatzaren 27a / 210. zenbakia

KOORDINATZAILEA: Iker Barandiaran • Otolora 31 ARRASATE 20500 • Tel.: 943 71 25 11 • Faxa: 943 71 23 89 • Posta elektronikoa: zebarrigoiena.com • Lege gordailua: SS200/99

**EUSKARA/** Eskoriatzako kale erabileraren neurketa aurkeztu dute

## Udalerrian egiten dituzten 100 elkarrizketetatik 33 euskaraz dira

IKER BARANDIARAN

**Soziolinguistika Klusterra enpresak euskararen erabilera aztertu du Eskoriatzan. Jasotako emaitzen arabera, euskararen erabilera handituz doa, eta umeen presentziak eragin handia dauka. San Pedro auzoan batu dituzte emaitza txarrenak.**

Herrian egiten diren hamar elkarrizketetatik hiru baino gehiago euskaraz egiten dituzte. Hori ondorioztatu du Soziolinguistika Kluster enpresak egin duen azterketak. Apirileko hiru egunetan egiten dituzte neurketak, eta behaketa sistema erabili dute. Hau da, ez diote inori galdeketa egin, eta inor konturatu barik, herriarrek zer hizkuntzatan berba egiten duten jaso dute.

Neurketak herriko hiru zona nagusietan egin dituzte: erdigunean, Goikokale eta Dorleta inguruan eta San Pedro auzoan. Horrez gain, azokara eta Unibertsitate ingurura ere jo dute.

### **BIZTANLEEN %51 NEURTU DUTE**

Soziolinguistika Kluster enpresak biztanleen %51 neurtu du, hau da, 1.949 lagun. Aurreko urteetan egindako neurketetan baino jende kopuru handiagoa. Horien



Soziologia Kluster elkarteko Larraitz Garmendiak aurkeztu zituen azterketaren emaitzak.

artean honako taldeak bereiztu dituzte: umeak (2 eta 14 urte bitartekoak), gazteak (15 eta 25 urte artekoak) eta adinduak (65 urtetik gorakoak).

### **SAN PEDRON BEHERA EGIN DU**

Soziolinguistika Kluster elkarteko Larraitz Garmendiak azal-

*Beste adin taldeek  
umeekin batera  
badaude euskara  
askoz gehiago  
erabiltzen dute*

dutakoaren arabera, erdigunean eta Goikokale inguruan erabilerak gora egin du, eta 1997tik gaur egunera arte erabilerak izan duen beheranzko joera aldatzea lortu dute. Aztertutako hiru zonen artean, San Pedro da erabilera baxuena daukana, eta gero eta euskara gutxiago egiten dute auzo horretan.

### **GAZTEEK, APURTZO BAT BEHERA**

Adin taldeei dagokienez, honako emaitzak batu dituzte: umeen %47k erabiltzen dute, gazteen %39k eta helduen %22k, hain zuzen ere. Hala ere, nabarmendu zuten erdigunean gazteek apur bat behera egin dutela; eta umeek, helduek eta adinduek, berriz, gora egin dutela. Hau da, azken horiek bilakaera positiboa izan dutela.

Kontuan hartu behar da 1997an eta 2001ean egindako neurketetan erdigunea bakarrik aztertu zutela. Horregatik, bilakaera aztertzerakoan erdigunea bakarrik hartu dute kontuan.

Bitxikeria moduan aipatu beharra dago neurketaren arabera gizonezkoen %47,4k euskara erabiltzen dutela. Emakumezkoen artean, berriz, %37,1ek.

Horrekin lotuta, konturatu dira umeen eragina oso garrantzitsua dela. Hau da, beste adin taldeekin batera umeen bat badaude euskararen erabilera askoz handiagoa da. Hori horrela gertatzen da, nahiz eta berba egite-rakoan umeei ez zuzendu. Hain zuzen ere, gazteek, helduek eta adinduek umerik ez dagoenean %17,4 erabiltzen dute euskara. Baina eurekin umeen bat badaude %35,9k euskara erabiltzen dute.

## Denboraldia bukatzeko, hiru taldek areto futbol txapelketa

I.B.

**Eskoriatzako areto futbol taldeak, denboraldia bukatzeko, hiru talderen arteko txapelketa antolatu du. Bihar, zapatua, egingo dute, 18:00etan. Denboraldia bukatzeko modu bikaina.**

Eskoriatzako areto futbol taldeak ahaztu ezinako moduko denboraldia izan du. Joan den denboraldian Euskal Ligara igo ostean, aurt-

goan bigarren gelditu da eta, hala, lehen nazionalera egin du jauzia.

### **HERRITARREN ETA UDALAREN BABESA**

Oraintsu bukatu den denboraldian herritar askok eman diete babesa, eta Udalak euren alde egin du. Joan den domekan, Udalak omenaldia egin zien. Osoko bilkuren aretoan ekitaldia egin zuten, eta alkateak taldeko lagunei plaka bana eman zien. Orain, taldekoek atsedean hartuko dute, baina horren aurretik, denboraldia buka-

tzeko, txapelketa berezia antolatu dute. Bihar, zapatua, hiru talderen arteko areto futbol txapelketa egingo dute kiroldegian. 18:00etan izango da, eta honako taldeek jokatuko dute: Gasteizko Carniceria Sanz (lehen nazionalan jokatzen du), Gernika eta Eskoriatzak. Taldekoen esanetan, denboraldia bukatzeko modu polita da: "horrela denboraldia apur bat luzatuko dugu, zaleek partidua politikatu egingo dituzte, eta gonbidatuz gehiago ikasi ahal izango dugu".



Joan den asteko ospakizunarekin ez dute denboraldia bukatu gura izan.

**TELEFONO JAKINGARRIAK**

<b>ESKORIATZA</b>	
Udaletxea	943 71 44 07
Udal bulegoak	943 71 45 32
Udaltzaingoa	943 71 44 07
Euskaltegia	943 79 21 68
Kultura etxea	943 71 46 88
Gizarte laguntzailea	943 71 31 36
Kirol etxea	943 71 53 28
Liburutegia	943 71 31 35
Luis Eceiza	943 71 53 56
Jose Arana Almen Ikastola	943 71 44 86
Almen	943 71 49 07
Museo Eskola	943 71 54 53
Axtroki	943 71 40 77
HUHEZI	943 71 41 57
Osakidetzak	943 71 44 52
Telesko	943 71 49 17
Taxiak	943 71 40 59

<b>BESTELAKOAK</b>	
Eskualde ospitalea (Arrasate)	943 00 53 00
Gurutze Gorria (Bergara)	943 76 55 76
Ertzaintza (Arrasate)	943 79 71 99
Suhiltzaileak (Oñati)	943 79 28 00
Renfe (Zumarraga)	943 72 15 15
Renfe (Gasteiz)	945 23 20 30
PESA (Arrasate)	902 10 12 10
Larrialdiak (Arrasate)	943 77 10 43
SOS Deiak	112

**AXTOKIREN AGENDA**

**EKAINAREN 3AN EGINGO DUTE BATZAR OROKORRA**

Datorren egubakoitzean, ekainaren 3an, egingo du batzar orokorra Axtroki euskara elkarteak. Bazkide guztiei gonbidapena egiten die hara jo dezaten. Horrez gain, elkarteak barkamena eskatu gura die, aurretik batzarraren hitzordua maiatzaren 26rako egin zutelako. Kultura etxeko hitzaldi aretoan egingo dute, 19:00etan. Hainbat gai izango dituzte berbagai.

**TOKI ALAI TABERNA**

**Karajiloetan espezializatua**

Tel.: 943 71 47 29  
ESKORIATZA

**AZKOAGA ESTANKOA**

943 71 48 77  
Zure Zerbitzura

**Gaur, egubakoitza, filma eta helduendako ipuinak**

I.B.

**Gaur, egubakoitza, ez da aspertzeko astirik izango herrian. Amuska emakumeen elkarteak *Las chicas del calendario* umorezko filma eramango du kultura etxera. Udalak, berriz, Pep Bruno ipuin kontalariaren saioa antolatu du Unibertsitateko aretoan. 22:30ean izango da saio hori.**

Amuska emakumeen elkarteak ekitaldi polita antolatu du gaurko, egubakoitza. *Las chicas del calendario* filma emango dute kultura etxean, 18:30ean.

Komedia barregarri hori Nigel Cole ingelesak zuzendu du (aurretik, *El jardín de la alegría* umorezkoa egin zuen). Chris eta Annie erretiratuak Ingalaterrako herri txiki baten bizi dira. Bietako baten senarra leuzemiaz hilko da, eta bi emakumeek herriko ospitalerako dirua batzea erabakiko dute. Horretarako, egutegi bat egitea adostuko dute. Herriko emakume erretiratuek biluzik posatuko dute, eta egutegiak izugarritzko arrakasta izango du.

Aktore ezagunek lan egiten dute film horretan: Helen Mirren (*Gosford park*, *Flower power...*);

Julie Walters (*Harry Potter*, *Billy Elliot...*); eta Linda Bassett (*Las horas*, *Beautiful people...*), besteak beste.

Filmaren ostean, horren gaineko solasaldia egingo dute Ana Larrieta psikologoarekin batera.

Bestalde, ekainaren 18tik 19ra bitartean Amuska elkarteak Segovia aldera txangoa egingo du. Bazkideek 100 euro ordaindu beharko dituzte. Bazkide ez direnek, berriz, 110 euro. Interesatuak lehenbailehen eman beharko dute izena kultura etxean.

**PUNTA-PUNTAKO IPUIN KONTALARIA**

Eguna umorez eta gustura bukatzeko, beste emanaldi bat izango da egubakoitzean. Udaleko Kultura Sailak Pep Brunoren ikuskizuna antolatu du unibertsitatean, 22:30erako.

Bruno Guadalajarakoa da eta eskola handia dauka ipuinak kontatzen. 1994an hasi zen zeregin horretan eta ordutik hona ez du atsedunik hartu. Espainiako Estatuan, Hegoamerikan eta Portugalen ibilia da. Horrez gain, umendako ipuinez osatutako liburua argitaratu izan ditu.

Berak asmatutako ipuin sorta kontatuko die helduei, eta ordu eta erdiko emanaldia izango da.



Saritutako esaldiekin pankartak eta pegatinak egingo dituzte jaietan.


**San Pedrotarako esaldi proposen bila dabil Udala**

Udaleko Euskara Sailak abian jarri du San Pedro jaietarako VI. Esaldi Lehiaketa.

Lehiaketa 13 urtetik gorako herritarrei zuzenduta dago, eta ezinbestekoa izango da hiru eta bost lagun arteko taldeak aurkeztea. Talde bakoitzak gura dituen esaldi guztiak aurkeztu ahal izango ditu. Hala ere, komeni da esaldi edo leloak jaiak ondo pasatzera gonbidatzea; ligatzekoak ere

izan daitezke; eta aproposa izango da jaiak, euskara eta gazteak batzea. Bestalde, ez dituzte onartuko neurritz kanpoko kontsumoa ezta jarrera sexistak bultzatzen dituzten esaldiak.

Ekainaren 5a baino lehenago aurkeztu beharko dira lanok udal etxean edo kultura etxean. Talde irabazleak afari bat irabaziko du, eta sari txikiagoak ere emango dituzte.



**Eskolen arteko bertso jaialdia**

Eguaztenean, Luis Ezeiza eta Almen ikastetxeetako ume eta gaztetxoek bertso jaialdia egin zuten Arizmendi Ikastolako Almen gunean.

Azkeneko hiru urteotan hainbat ikastetxetan ahozko-tasuna eta bertsolaritza tailerra lantzen dabilta. Horien artean, aipatutako bi eskola horiek. Joan den urtean, Luis Ezeizan batu ziren eta jaialdia egin zuten. Eta, aurten, Almenen zuten hitzordua. 120 gaztetxok esku hartu zuten eta koplak eta bertsoak abestu zituzten. /AMAGOIA LASAGABASTER

**LABUR**

**Dorletan egin beharreko lanen erakusketa**

Dorleta auzoaren eraberritzearen gaineko proiektua erakusgai jarriko dute eguenetik, hilaren 2a, ekainaren 12ra bitartean.

Kultura etxean jarriko dute, eta honako ordutegia izango du: astelehenetik egubakoitzera bitartean, 10:00etatik 13:00etara eta 18:00etatik 20:00etara; eta zapatu eta domeketan, 11:00etatik 13:00etara.

Horren ostean, ekainaren 13an, alkateak, Hirigintzako Josu Ezkurdiak eta Injelan enpresako ordezkari batek berbaldia egingo dute, 18:00etan.

**Txalaparta taberna**

Aranburuzabala 25  
ESKORIATZA

SALON DE BELLEZA  
OSASUNA ETA EDERGINTZA  
**DORLETA**

Aranburuzabala 22, behea  
ESKORIATZA  
Tel.: 943 71 51 20

LENIZ, C.B. KONPONKETAK

TXAPA, MARGOIA eta MEKANIKA

Aingeru ibiltokia z/g. • Tel.: 943 71 50 61 • Eskoriatza